

**P360/3**

**LUGANDA**

- **Olupapula  
olwokusatu**

**July /August 2024**

**3 hours**



## **MASAKA DIOCESAN EXAMINATIONS BOARD**

**Uganda Advanced Certificate of Education**

**JOINT MOCK EXAMINATIONS 2024**

**LUGANDA**

**Olupapula olwokusatu**

**Essaawa ssatu**

### **EBIRAGIRO:**

- Olupapula luno lugabanyiziddwamu ebitundu bisatu **A, B ne C**
- Ddamu bibuuzo bino
- Mu kitundu **A** kolamu ekibuuzo **kimu**
- Mu kitundu **B**, Ddamu ekibuuzo kya puloozi n`ekirala kimu okuva mu bitontome.
- Mu kitundu **C**, kolamu ekibuuzo **kimu**

## **EKITUNDU A:**

### **ENGERO ENJIYE**

**Kola ekibuuozo kimu mu kitundu kino**

### **SSEMWANGA KIVUMBI BANTUBALAMU: GW'OLULAMBUZA**

1. Nyonnyola n'ebokulabirako ebintu ebiri mu lugero ebikakasa nti ddala emmaali engatte butwa. (Obubonero 25)
2. Maama nnyabo ..... Wo..... Katonda wattu muzibu, laba omwana wattu Bawomyakyabwe bwe twabwenanga obwaffe ate ku nkomerero bw'anfuukira kateebulanya ng'omulubaale owookumpi, n'andoopa n'ansuula mu matigga. Omukadde ebbaluwa nga amaze okugisoma n'okugyetegereza kwe kugikuba ekikondoolo, nkugambye n'asuukira nga omwenge omusu. Atuumuuse ng'ebindabindaokutonnya, anti ng'essungu limwabya emimiro olw'omwana okuva ku kusoma n'adda mu kwerigoosola mu bwe yayita obulenzirenzi mbu bumpaletennakalakiwato.  
Teyali mubi n'aninnda ziryoze zidde okunywa. Bwe nkomoawo ne mulamusa, era n'anyanukula bulungi nga gw'atalinaako ndibu yonna. Omukazi yantega akamasu okwali essavu. Nneezira kukuba mutwe bwe nti mu nnyumba haa.....yajja kawalabuko, n'ewuzi gye yeesiba mu kiwato kade ze zinywere.
  - (a) Ebigambo ebyo bisimbuddwa mu ssuula ki ey' olugero (obubonero 2)
  - (b) Ani ayogera ebigambo ebyo (obubonero 2)
  - (c) Bintu ki ebituukawo amangu ddala nga omwogezi tannayogera bigambo (obubonero 4)
  - (d) Biki ebiddirira amangu ddala nga ebigambo ebyo byakaggwa. (obubonero 5)
  - (e) Nga weesigama ku lugero luno lambulula ebizibu ebituuka ku bantu olwokwerigoosola n'obulenzi. (12 obubonero)

### **NKATA MUSA: AGAMYUKA OMUTEZI.**

3. Olugero agamyuka omutezi ssomero ddamba erisaanye okutwalibwamu abakulembeze, kakasa kino n'ebokulabirako okuva mulugero (obubonero 25)
4. Kufulumya sitoole ku byennalaba mu nkambi yabayeekera n'okusingira ddala amaanyi gejje lya lutabaalo, twalinga abakalirira ennunu olw'obulumi n'obubalagaze obungi gavumenti bweyawulira olweggulire lino. Naye ate ffe nga tetufaayo kuba twali tukimanyi bulungi nti ennunu enkalirize ekisa tewona. Wabula ku mulundi guno kyatwewunyisa gavumenti obutatukwala nesalawo okutuyita okwogera naffe ku bizibu ebyali mu ggwanga wamu n'okutusendasenda tugezeeko okuwandiika n'obuvunaanyizibwa ku bintu ebikulu naddala ku bikwata ku kwerinda kweggwanga.

Page 2 of 9

- (a) Ebigambo bino bisimbuddwa mu ssuula ki mu lugero Gw' olulambuza. (obubonero 2)
- (b) Biki ebikakasa mu lugero nti ddala ennungu enkaliriza ekisa tewona. (obubonero 10)
- (c) Biki ebiddirira amanguddala oluvannyuma lwebigambo ebyo (obubonero 5)
- (d) Laga n`ebyokulabirako ebintu bina ebisoomooza mu mulimo gwomuwandiisi, ebimutuusa n`okwewunya Gavumenti nga tebakutte oluvannyuma lwa ssitoole eyo (obubonero 8)

### **EKITUNDU B:**

**Kola ebibuuzo 5 n`ekirala kimu okuva mu bitontome**

#### **PULOOZI**

5. Soma ekitundu kino n`olvanyuma oddemu ebibuuzo ku nkomerero yaakyo.

Ensi y'okukola tekuwenyako, anti bw'oba okula tomanya gy'enakutwala, abaali mu bibuga. Olumu bamalira bakolera mu byalo, ate abaava mu byalo n`ebagundira mu bibuga eyo nno gye bafuna emikwano egitali gimu, nga abaganda bwe baalugera nti musajja gy'agenda gy'asanga basajja banne abamu nno gyebagwira mu bibinja byaba kifeesi , nga bwebimanyiddwa ensangi zino ebyababbi ko n`abazzi beemisango egitali gimu.gwe obadde olowooza abazzi b'emisango bavaawa?

Wabula mukwongera okunoonya emirimu awamu n`okwagala okufuna ekigulira magala eddiba, ensangi zino abavubuka abawala n`abalenzi bettanidde nnyo okugenda okukuba ekyeyo mu mawanga agebunaayira, kino kivudde ku bbula lye mirimu eringi eriri mu Ggwanga lyattu Uganda, okwagala okufuna ensimbi ennyingi ezitotoogana nga obukolwa awamu n`obutaba bayiiya nnyo kusobola kwetandikirawo mirimu nga egyobusuubuzi, awamu n`okulima okwettunzi byebimu ku bibasindiikiriza okugenda.

Ettundutundu erisinga obunene ku bano lyetanidde kugenda mu kyondo kyabuwalabu okwenogera ku nnusu zebagamba eziri eyo ezitotogana nga obukolwa, era bwoyimirira ku kisaawe kyennyonyi entebe oyinza okwerolera nnamungi wa bannayUganda abeeyiwa eruuyi eyo, bano nno beebayitibwa ba "kadaama" nga kuno kuliko ba "ssekadaama" ne ba "Nakadaama".

Mu kugenda eyo nno basasula buwanana bwa nsimbi nga bayita mu miyungiro awamu n`ebitogole ebyenjawulo nga kubino no kuliko ebituufu awamu n`ebitali bituufu oba byoyinza okuyita ebyabafere nga bwe biytibwa ensangi zino, wabula oyo katonda gwavuddemu nagwa mu bakalimingobya abafere akaliirako nga enjogera yensangi zino bweri anti bo basuubiza bingi ebiringa obugulu bwaggongolo, kyokka okubitukiriza n`ekifuuka kutema ku lw'ennamugonga anti tebabituukiriza.

Bangi ku bano abagwa mu mikono gya Baakyala - kimpadde bano basabibwa ensimbi kamaala kyokka n`obatasobola, kutwalibwa eyo gyebasubiziddwa wano wenzijukirira Senkindu ne munne njawuzi abaalimbibwalimbibwa nebatunda buli kaimu

okusobola okugenda okwenogera ku nnusu, wabula eyabatwala yabaddukirako e Katumu mu kibuga kye Sudan nga tabalekedde wadde olwataano ate nga tabatuusizza n'agyeayabasubiza, era okudda e Uganda baatonotono ebitagambika anti baalippira bimotoka ebimanyiddwa nga lukululana era kino kyabatwalira omwezi mulamba okusobola okutuuka e Kampala.

Ye omuwala Nakayaga bwetalimbibwalimbibwa n'atunza bazaddebe ekibanja, Ko n'okubaleka mu mabanja amayitirivu anti baatuuka n'okwewola ku bano bam- pa akamu nkuwe ente, abamanyiddwa ennyo nga **abembaata** wabula ekyennaku Nakayaga omulimo gweyasubizibwa tegwaliyo era yatuukira mu **kiyumba** gyeyasanga okusoomozebwa okutalojjeka anti yalina kukola gwa kwetunda okusobola okufuna ezimuyimirizaawo, eyava mu nyumba ennene ewaabwe, ate yatandika kupangisa kitanda kyokka, kyebaakozaako erya ``bed space''

Wano weyatandikira ogwokwetunda okusobla okweyimirizaawo, kino yakikola mu nnaku enjerere anti yali takisuubira, yatuukiriza enjogera yabaganda egamba nti woddiza omulalu mu kyama nga ayogera obulungi gwolaba? Mu kubonabona kuno mweyafunira abaamulimbilimba n'ebamutwala mu kifo ekimu kyatamanyi, nga eno gyebaamusokooleramu ebimu ku bitundu bye ebyomunda ekintu ekyamuvirako okugwa ku ndiri era ba kadaama banne beeobaawereza ebifanaanyi bye ku mikutu emigattabantu, okusobola okutegeeza abeewaabwe nga muwala waabwe **bwakuba ez`okumagi**.

Abeewaabwe bwebaatuukirira abaamutwala baabatema butemi kakule omusika kaatema nnamwandu era omuwala n'obamwegaana, kino kyabawaliriza okwekubira enduulu ku polisi, eyo nayo baakottokera busa nga asaba oluwanga obulamu anti tebaayambibwa, olwo n`ebatandika kusaba buyambi okuva mu booluganda abako abeemikwano awamu n'abazira kisa abatali bamu, nga bayita ku mikutu gyamawulire okusobola okukomyawo muwala waabwe nga tannaserengeta kaganga, enviiri gyezittira nga omuddo.

Kyaddaaki Nakayaga yakomezebwawo wabula nga anyaaluse nnyo era wenjogerera ali ku ndiri ajjajabibwa era yejjusa ekyamutwala, newankubadde nga bangi bafuniddeyo ebirungi bingi, naye agamba singa yasigala n'okozesa ssente ezo naye yandibifunye!!!

#### Ebibuuzo

- (a) Ekitundu kino kiwe omutwe ogukigenderako. (obubonero 02)
- (b) Bizibu ki abagenda ebweru byebasangayo. (obubonero 06)
- (c) Biki ebifuula abantu okuba ba kadaama. (obubonero 06)
- (d) Ebigambo bino bitegeeza ki.
  - i) kadaama (akabonero 01)
  - ii) ekyeyo (akabonero 01)
  - iii) abafere (akabonero 01)
- (e) Okusinziira ku kitundu kino magezi ki goyinza okuwa omuvubuka wa Uganda. (obubonero 08)

Page 4 of 9

## **EBITONTOME**

*Ddamu ekibuuzo kimu kyokka ng'okiggya mu nnamba 6,7,8 oba 9.*

## **HIGO SEMATIMBA: Abooluganda Ab'enda Emu**

6. Soma ekitontome kino wammanga n'olvannyuma oddemu ebibuuzo ku nkomerero yaakyo.

## **HIGO. E SEMATIMBA BARLOW: ABOOLUGANDA AB'ENDA EMU**

### **ANOONYA AKWAGALA**

Anoonya okwagala oktuuufu

Alinga omulimi omulungi

Afaayo okufuna ettaka eddungi

Awali essagazi ayisaawo enkumbi

Etti eddene aliviira mu mbazzi

Ebisaka abisaawa busaayi

Akabala era alonda olumbungu ne ssenke

Era aggyamu emirandira n'enkonke

Anoonya era afuna ensigo ennungi

Z'asimba mu biseera bya ttogo

Mu ttaka etto ery'enkabala

Erijjudde ebiriisa eby'enjawulo

Azisimba mu nyiriri era mu ntegeka

Buli nsigo agisimba asanyuka

Kuba akola ayagala awatali awaliriza

Olumera akoolamu ng'adigida

Era taganya muddo kubizisa

Akawuka akabi akatwala ntyagi

Ng'akafuuyira eddagala Dudumaki

Laba bye yasimba mu ttoggo

Bwe bitinta mu myezi obwezi

Na buli ekisimbwa ekkwano

N'okwagala okulinga okwo

Byeyagaza era bya ttendo

Nabuli kirungi kisaana ntegeka

N'omukwano ogukwatanga otyo

Ky'oyagala okiwanga obudde

Nakwagala omuwanga ebbanga

Gw'oyagala omuwanga ekyanya

Jjukira okwagala tekulinga bbanja

Eribanjibwa mu ssente

Nti nno olisasula lumu kwa mwaka

N'oliwummula olwo ne liggwā

Naye omwagalwa buli kiseera ebanja

Era jjukira bino mu mukwano

Omukwano oguwongwa emmaali

Gubula lumu nga Ssente

Ogugulwa eccupa ya "Bbeero"

Ogwo nno gukoma mu ddiiro

Ate ogusugumbiza mu kusooka

Oluusi gusirika lumu nga ssaawa

Omukwano oguvaamu ekkwano

Guja mu ngeri ya njawulo

Era kyama kyabo ababiri

Ebigambo by'omukwano biruma

Mukwano gwo bw'alwala

Obanga omuyiire amazzi

Bw'aba mu nnaku ng'akaaba

Ggwe ogafeeseza mu nnyindo

Bwe bamwogerako obubi ng'owulira

Basinga n'akuzinze omuggo

Ebirungi bingi mu nsi muno.

Naye omukwano gwe nnyini gwa njawulo

Mmwe ab'omukwano ababiri

Ekyo kye mwafuna mukinyeweze

Mujjukire omulimu omulungi ategeka

Nabuli ky'akola aba asanyuka

Kube kukungula oba kukoola

Kube kusambula oba kusimba

Kuba buli kimu kya nsong'a

Era bangi abaiina obugagga enfaasa

Ne babulwa omukwano ng'ogwo

Era balifa bubi nga bayonta

Okwagala tekumpimwa minzaane

Yadde okugulwa ne ssente

Ne bwe biba ebiraalo eby'ente

Naye katonda bw'akuwa omukwano safi

Ggwe okwasaako ebiri ng'onyweza

Era jjukira Katonda wo ng'osinza

Omwebazengayo eky'enjawulo.

**Ebibuuzo**

- (a) Nnyonnyola ensengeka y'ekitontome ekyo. (Obubonero 08)
- (b) Nyonnyola obukodyo butaano omutontomi bweleyambisiza oku nyumisa ekitontome kye (Obubonero 05)
- (c) Nokolayo ebifaananyi omutontomi by'atuggyirayo ku kwagala. (Obubonero 07)
- (d) mmenya ebika byennimi bitaano omutontomi by'akozeseza mu kitontome kye (obubonero 05)
7. Nga weesigama ku booluganda ab'enda emu, nnyonnyola ebyobuwangwa by'abaganda eby'enjawulo ebikooneeddwako (Obubonero 25)

**KIZZA MUKASA: *Omulyammere Kkoyi***

8. Soma ekitontome kino wammanga n'luvannyuma oddemu ebibuuzo ebikikwatako:

**ENKUBA YA JJUUZI**

Bikkula Uganda Private and integrated Schools' Association 4

1. Yatandika na kiddedde nno, enkuba eyo,  
Nate ne kayaka ng'eneyita, enkuba eyo,  
Bwaddamu okubijja kuto, lwa nkuba eyo,  
Bantu baaduma mizibü, batya nkuba eyo
2. Kazigizigi yakwata nnyo, lwa nkuba eyo,  
Budde bwali ng'obuziba, lwa nkuba eyo,  
Kibuyaga nga yakuntaoyo, ku nkuba eyo,  
Buli omu n'atyia lw'ekijja, ky'enkuba eyo.
3. Yasookereza matondø, olwo cfukumuka,  
Yatandika mpola mpola, ng'anti ejjirira,  
N'ejjala mpola mpola, vamma n'ekanya,  
Mazzi ne gabuna ebyalo, wamu n'ensaka.
4. Mukoka anti yasookereza, ng'atulabula,  
Nti teebe ya bulijjo ent, mpozzi bikokyo,  
Mukoka bwe yakaanyaamu, ne nkulabira,  
Amazzi bwe gakunnyaant, ku ppukupuku.

5. Gajjula makubo emmotoka, gye zikiibira,  
Bitoogo gye gataggwa, nga wonna kijjobi,  
Mmotoka ezimu zaatubira, lwa mazzi gali,  
Bantu ne beeweeka ku mabega n'obugaali.
  
6. Bannakibuga nabatya, lunaku lw'enkuba,  
Balina bali obwangu, mu kukola ennusu,  
Baakolaakolawo amangu, obukodyo buli,  
Bafune ziri ennyangu, ez'okunywa bbiya.
  
7. Baaleeta n'akaato abo, baakaggya wa kale?  
Ne basaabaza abantu abo, gy'oli Wamala!  
Abaakatuulamu bo nabatya, butatya ssebo,  
Kwesiga Balyammere, abaweesi b'ennusu.
  
8. Nkuba ky'etaakola kw'olwo, sikijukirayo,  
Amayumba yagabambula, ag'ensenyi gali,  
Emiti n'egizuumya eri, egyekulira enkaaja,  
Obwana ne babunnyulula, ng'obumu luwe!
  
9. Enkuba eyatonnya olwo, yantamya enkuba,  
Buly'omu agirojja bubwe, yajonyesa nkumu,  
Enkuba eyatonnya eyo, nze yansinya enkuba,  
Bangi kale bakyaginyumya nti teyali nkuba!

### **Ebibuuzo;**

- i) Omuwandiisi atuteseteese atya okutuuka okutukkirizisa nti enkuba eyogerwako nie  
kati bakyaginyumya? (Obubonero 5)
- ii) omutontomi azimbye atya amaloboozi mu kitontome kino. (Obubonero 5)
- iii) Okugeegeenya kweyolese kutya mu kitontome kino? (Obubonero 3)
- iv) Leeta ehyo ehisaanyiza enkuha eyogerwako okuba nga ne ekyanyumizibwako.  
(Obubonero 6)
- v) Ggyayo ensonga ezisindika omuwandiisi okweyambisa ekika ky'entunnunsi  
ekyeyolekedde mu kitontome kino. (Obubonero 6)

### **Oba**

9. Lambuluia bulungi engeri kizza matovu gya yigirizaamu abavubuka b'omulembe guno  
ebintu ebitali bimu nga weeyambisa ebyokulabirako okuva mu bitontome bya omulya  
mmere kkoyi (obubonero 25)

## **EKITUNDU C:**

### **EMIZANNYO**

*Kola ekibuuzo kimu kyokka mu kitundu kino*

### **MERCY MIREMBE NTONGAALE: *Ssemitego***

10. Nnyonnola engeri Nantabonekaboneka gyakoze nga omutego ogwamanyi nga weyambisa ebyokulabirako okuva mu muzannyo ssemitego (obubonero 25)
  
11. Embeera z'obulamu obwabulijjo be baana baliwo mumuzanyo kakasa kino ng'owa ebyokulabirako okuva mu muzannyo ssemitego (obubonero 25)

### **WAALABYEKI MAGOBA: *Namulanda***

12. Eby'obuwangwa n'ennono y'obutonde enku lu waalabyeki magoba gyasibiridde abasomi be mu muzannyo Namulanda, kakasa kino nebyokulabirako okuva mu muzannyo ogwo. (obubonero 25)
  
13. Ettemu lyeribadde ligenda okukola leero baliyita ffulula – bisa naye munnange nga ekkumi bwelitakyawa omu, banzibiddeko nti waatgedde? Nti kaddulubaale agenze wa kangaawo nga nswa nga atunka enteekateekaze nga nzigootanya.
  - (a) Ebigambo bisimbuddwa mu kitundu ki ekyo muzanyo Namulanda. (obubonero 2)
  - (b) Ani oyo ayogerwako eyali agenda okutemulwa era omunyumya amuyinako luganda ki. (obubonero 3)
  - (c) Bintu ki ebiviirako abantu okwagala okutemula bannabwe okusinziira ku muzannyo Namulanda, leeta ensonga kkumi (obubonero 20)

\*\*\* **BIKOMYE WANO** \*\*\*